

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE

Na osnovu člana 21. tačka 14) Statuta Grada Zenica („Službene novine Grada Zenica“, broj: 5/15) i člana 26. i 27. Odluke o javnim priznanjima Zenice ("Službene novine općine Zenica", broj: 10/01- prečišćen tekst), na prijedlog Ocjenjivačkog suda za javna priznanja Zenice, Gradsko vijeće Zenica, na \_\_\_\_ sjednici održanoj \_\_\_\_\_ 2021. godine, donosi

**O D L U K U**  
**O PROGLAŠENJU POČASNIM GRAĐANINOM GRADA ZENICE**

**I**

**Gospodin Bogić Bogićević**, bosanskohercegovački političar i član Predsjedništva SFRJ od 16. maja 1989. do septembra 1991. godine, proglašava se počasnim građaninom Grada Zenice.

**II**

Ova odluka stupa na snagu danom donošenja i objavit će se u "Službenim novinama Grada Zenica".

Broj: 01-  
Zenica, \_\_\_\_\_ 2021. godine

PREDSJEDAVAJUĆI  
GRADSKOG VIJEĆA ZENICA

**Almir Babajić**

## **OBRAZLOŽENJE**

*Bogić Bogićević, rođen 1953. godine, je bosanskohercegovački političar, član Predsjedništva ex SFRJ od 16. maja 1989. do septembra 1991. godine. Za člana Predsjedništva SFRJ izabran je između pet kandidata referendumom građana Bosne i Hercegovine, 25.06.1989. godine, te je tako bio prvi demokratski izabran član Predsjedništva SFRJ iz SR BiH.*

*Sudionik je historijske sjednice Predsjedništva ex SFRJ održane 12. marta 1991. godine kada je ovaj organ odlučivao o uvođenju izvanrednog stanja u ex SFRJ. Formalno, tadašnji vojni vrh predlagao je podizanje borbene spremnosti čiji je stvarni cilj bio državnim udarom uvesti vojnu upravu u Sloveniju i Hrvatsku, te vojno-političkim mjerama srušiti političko vodstvo u Bosni i Hercegovini i Makedoniji.*

*Gospodin Bogić Bogićević rekao je „NE“ Slobodanu Miloševiću, glasao je protiv iako su članovi Predsjedništva ex SFRJ koji su bili naklonjeni velikosrpskoj ideji računali upravo na Bogićevićev glas. Glas razuma Bogića Bogićevića prevagnuo je i spriječena je vojna intervencija ex JNA na našu domovinu Bosnu i Hercegovinu. Iz tog razdoblja datira njegova izjava: „Ja jesam Srbin, ali ne po profesiji“.*

*Nažalost, kasnije je uslijedila krvava agresija na BiH, gdje su, podsjećam, naš Grad i njegovi stanovnici dali veliki doprinos u odbrani od velikosrpske agresije.*

*Bogić Bogićević je zajedno sa članom Predsjedništva BiH i Makedonije, Vasilom Turpukovskim, bio posrednik u pregovorima između slovenske vlade i Vrhovne komande JNA o puštanju regruta i o deblokadi kasarni za vrijeme desetodnevnog rata koji se vodio između slovenske Teritorijalne odbrane i ex JNA.*

*Razdoblje agresije na Bosnu i Hercegovinu gospodin Bogić Bogićević proveo je u opkoljenom Sarajevu i BiH. Bio je zastupnik u Predstavničkom domu Parlamenta BiH, te predsjednik Olimpijskog odbora BiH.*

*Godine 1999. godine dobio je Plaketu humanizma, koju dodjeljuje Stalni odbor „Međunarodne lige humanista“. Godine 2002. predsjednik Republike Hrvatske Stjepan Mesić, odlikovao ga je „Redom kneza Trpimira s grlicom i Danicom“ za njegov značajan doprinos nezavisnosti i cjelovitosti RH, te zauzimanju za postizanje mirnog rješenja. Godine 2006. „Međunarodni centar za mir“ Sarajevo dodijelio mu je tradicionalnu nagradu „Sloboda“, a 2014. godine dodijeljena mu je i počasna doktorska titula Američkog sveučilišta u Bosni i Hercegovini. Dobitnik je „Šestoaprilske nagrade“ Grada Sarajeva za 2019. godinu.*

*Trenutačno živi u Sarajevu.*

*Imajući u vidu sve naprijed navedeno, opravdano smatramo da je gospodin Bogić Bogićević, svojim djelovanjem kao bosanskohercegovački političar, dao izuzetan doprinos u razvitku države BiH i očuvanju njenih demokratskih vrijednosti.*

**OCJENJIVAČKI SUD  
ZA JAVNA PRIZNANJA ZENICE**